



UKA2020/7

Ulloq. 30. september 2020

Jens NapătôK'

2021-mut aningaasanut Inatsisissartut siunnersuut.

(Aningaasaqarnermut Nunanilu Avannarlernut Naalakkersuisoq)

2021-mut aningaasanut inatsisissatut siunnersuutaagaluartoq Partii Naleraq sinnerlugu nalilersuilluareerluta imatut oqaaseqarfingissuarput.

Aningaasanut inatsisissaq maannakkut suliariniagarpus Naalakkersuisuniit pisortatigoortumik inuaqatigiinnut saqqummiunneqannngitsorluunniit aningaasaqarnermut akileraartarnermullu ataatsimiitaliamiit ataasinnguarluunniit mininnagu tamarmiusumit tamakkiisumik atorsinnaanngilluinnartutut nalilerlugu nutaamik Naalakkersuisut suliaqaqqullugit innersuussinerat maluginiagassaavoq imaannaanngilluinnartoq.

Aninngaasanut inatsisissaq nunap inuinut tamanut pingaarteqeannanngilaq taakku atugaannut periarfissaannullu sunniuteqartaqaaq, tassalu naatsumik oqaatigalugu nunap inuisa ulluinnarni inuunnerannut aningaasaqarnerannut sunniuteqartaqaaq inuaqatigiimmi aningasatigut ingerlatsinerannut tunngaviugami, assiginngitsorpassuartigut nunatsinni sumiikkaluaraanniluunniit sunniuteqartarpoq.

Sumiiffit ilaat sakkortuumik eqquaasinnaasarpus ingammik illoqarfiit anginerusut avataaniittut atukkamikkut ineriartornissaraluannik annertuumik eqquaallutik malugisaqaat qitiusumiit allannguutit annertunngikkaluaraangataluunniit.

Taamaammallu Partii Naleqqamiit pingaartitarilluinnarpus nunarput tamaat isigalugu aningaasaliinerit aaqqiissuteqarnerillu ingerlanneqartarnissaat ulluinnarni nunap inuisa inuunnerannut sunniuteqangaatsiarlutik assiginngitsutigut kalluaasinnaasarmat.

Tamatuttaaq sunnerneqartarput namminersortutut ingerlataqartunut taakkulu qanoq atugaqarumaarnissaannut, ukiut kingullit amerlavallaat aningaasamut inatsisissap isorliunerusuni nunaqarfennilu aammalu illoqarfinni akunnattumik angissuseqartunut annertoorujussuarmik sunniuteqartarsimavoq, sumiiffippassuarni aningaasaliissutaasartut amigaannaratik annikippallaaginnaratik sumiiffippassuit ukiut amerlavallaalersut uninngatinneqarsimammata, tamakku ilanngullugit ataavartumik ingerlaqqilernissaat aningaasaliiffigisariaqarluinnarpagut.

Partii Naleqqamiit neriuutigilluinnarpus aningaasamut inatsisissami aappassaaneernissaanut nunarput tamaat isigalugu politikkikkut isumaqatigiinniartoqareerluni nunarput tamaat peqataasusangorlugu aaqqisoqarluni inissittoqassasoq.



Aap-, Covid19 pissutigalugu nunarsuami aningaasarsiorneq appariarujussuarpoq, aamma tamanna nunatsinni malugivarput. Taamaamat pisariaqarpoq nunatsinni aningaasaqarnikkut ingerlatsineq nutaamik aaqqissuuteqqissallgu, ingerlatsinermut aningaasartuutit nunatta inuinut tuttartussanngorlugit aaqqissuussisariaqarpugut, aningaasat inunnut maaniikkallaannartunut tuttartut amerlavalaqaat, taamaasillutillu nunatsinniit annissuunneqartut amerligaluttuinnarlutik, naalakkersuinikkut suliassararput nunatsinni aningaasat sunut, kikkunnulu torarnissaat oqaloqatigilluarnikkut ingerlaavartumik aaqqiivigisassallugu.

Ullumikkut anigaasarsiaqarnerit aningaasarsiakkinerillu akornanni nikingassut annertusiatuinnarpoq, tassa pisoorsuit pisuunngoraluttuinnarput, piitsut piitsunngoraluttuinnarlutik. Kallerup inneranut imermullu akit qaffakkiartorput, nioqqutissat akii qaffakkiartorput, angallannikkut akit aatsaat taama qaffasitsigaat, ineqarnermut akit qaffarujussuarnissaat ilimanarsiartuinnarpoq, akitsuutit oqaluttuarisaanitsinni aatsaat taama qaffasitsigaat, aap naalakkersuinikkut ingerlaaseq allangortinneqartariqarpoq inuit atugarisaat pitsaanerulersinneqassappata. Taamaammat maannakkut aningaasanut Inatsisissaq amingartoorfijusorujussuaq taamatut isikkoqartillugu akuersarneqarsinnaanngilaq, nutaamik aaqqissuuseqqittariqarpugut.

Sumiiffinni amerlasuuni ineriartorneq annikippallaarpoq aammalu ilaatigut uninngalluni. Inuiaqatigiit Kalaallit ukiuni kingulliunerusuni aningaasaqarnikkut atugaat pitsanngoriartorsimanngilaq, inuuniarnikkut atugassarititaasut aningaasartuutit qaffakkiartuinnarsimapput. Tamassumalu kingunerisaanik innuttaasut oqinnerusumik inuuniarnikkut atugaqalernissartik takorloorlugu anguniarlugulu illoqarfinnut annerusunut ineriartorfiunerusunullu nutsernerat malunnartumik annertuseriarsimavoq. Nunatsinni innuttaasut aaqqissugaanngitsumik nuuttarnerat kommunit akunnerminni aaqqiiviginiaartariaqarpaat aammalu inatsisitigut naleqqussagassaqarpat inatsisartut tamanna suliarisariqarpaat.

Taamatullu aamma nunap inui amerlavallaat nunap avataanut nunassittariaqartut pitsaanerusumik inuuneqarumallutik inissisimalersimapput, amerlasoorujussuunerallu nuuttariqartartut annikillisassagutigit Danmarkimi kommuunit suleqatigalugit qanoq iliuuseqartariaqarluinnarpugut. Tassami Danmarkimut nuunnikkut imaanngilaq atugarisat tamarmik pitsaanerulersartut, aamma assigiinngitsutigut Kalaalerpassuit Danmarkimmut nuuttartut allaat atugarliornerulersarput.

Danskit nunatsinnut tapiissutaat (bloktiskud) aammalu danskit nunatsinni pisussaaffimminnut atortagaat ilanngullugit 5 mia.kr. sinneqarput, taakkiali sipporujussuarlugit danskit utertittarpaat, tassami nunatsinniit nioqqutissat Danmarkimiit pisiarisartakkavut ukiumut 5 mia.kr. sinneqarput. Aalisakkanit qalerualinnillu avammut tunisatsiniit iluanaarutit tamangajammik danmarkimut nakkartarput, immaqa aamma 5 mia. Kr. Missaaniillutik, taakkuli isertuunneqartuaannarput. Danskit suliffeqarfiuterpassui nunatsinni sanaartornermik ingerlatsippu taamaasillutik aamma sanaartornikkut mia.kr arlallit danskinin



nunatsinniit aninneqartarlutik, aammalu puiussanngilagut nunatsinni pisortani namminersortunilu sulisorpassuit danskiummata, taakkualu aningaasarsiaqartitaanerannut mio.kr.-nerpassuit atorneqartarmata. Aamma eqqamassavarput siusinnerusukkut aatsitassarsiornikkut isertinneqartartorpassuit iluanaarutaasunillu akileraarusiinerit Danmarkimut tutsinneqartar-simammata, soorlu Maamorilimmii aatsitassanik avammut tunioraaneq tamavimmi Danmarkimiit ingerlanneqarsimasoq. Aap, nalunngilarput Danskit nunallu europamiittut Nunarput ukiuni 300-ngulersuini aningaasarpassuarnik pissarsiffigisarsimagaat aammami nunarput 1953-ip tungaanut aningasaqarnikkut imminut napatittumik ingerlasimavoq. Taamaattumik Nunarput Danskit tapiissutigisartagaminerinut ajuusaarutissaqanngilluinnarpoq.

Tusaasarpavut danskit nunatsinnut aningaasaliissutitik eqqartortaraat, ilaannikkut allaat nunarput aningaasartuutaaginnartutut nipilerlugu eqqartortarlugu. Tamatullu ingerlasoqartillugu pitsaanerpaavoq nunarput piaernerpaamik naalagaagffinngorpat.

Aningaasaqarneq

Kalaallit Nunaat aningaasaqarnikkut imminut napatittoq pilersinnejqassaaq. Kalaallit Nunatta naalagaaffinngornissaanut aningaasaqarnikkut ingerlatsineq nunamut namminersortumut aaqqissuussaq pilersinnejqassaaq. Tamannalu Kalaallinit nammineq suliarineqassaaq.

Soorunami pisussutitsinnik aalisakkanik, ujaqqanik, aatsitassanik allanillu avammut niuer-nerput aningaasarsiornikkut nunatsinnut iluaqutaanerpaasussanngorlugu aaqqissuunne-qassaaq.

Kalaallit Nunaat aningaaseriveqarnikkut aaqqissuussiffigineqassaaq nunap inuisalu allanit naqisimaneqaratik ingerlatsisinnaanissaat qulakkeerlugu. Tamanna nunarsuarmi suliniaqtigiiffiit peqatigalugit suliarineqassaaq. Nunarput aningaasqarnikkut aningaasalersuinikkullu isumannaatsoq pilersinnejqassaaq.

Tassunga ilangullugit sanaartornermi atortorineqartartunut nunatta pissarititai annerusumik atorneqarnerunissaat anguniarpalput. Siku Blockitut ittu aamma nunatta pissarititai allat atorlugit sanaartornermi atortussanik sanaartorluni tunisaassiornerit aallartisarne-qassapput.

Piginneqatigiilluni ingerlatsisarneq kalaallit kulturiannut nalequttoq atorneqarluni siuarsaneqassaaq. Aammalu nunarput nammineerluni ingerlatsiqategiiffinnut aqutsisoqarfefeqalissaaq (selskabsstyrelsen), nalunaarsuiffeqalissallunilu (selskabsregister).

Nunatta aningaasaqarnikkut nakkutilisoqarfia pilersinnejqassaaq, nunattalu aningaaserivisia issitsumi aningaaserivissuaq pilersinnejqassalluni.

Nunatsinni Imarsiornermut aqutsisoqarfik pilersinnejqassaaq, angallatinullu nalunaarsuiffik pilersinnejqassalluni. Imarsiornermi nunarsuarmi piumasaqaataasut ajunngitsumik naam-massineqarsimasarnissaat nakutigineqassaaq.



Akileraartarneq

Nunarput akileraartarnikkut pisariitsumik paasiuminartumillu ingerlatsiviussaaq, inuit tamarmik paasisinaasaannik pisortat ingerlatssapput.

Nammaqatigiinneq anersaaralugu nunarput ingerlatsiviussaaq, aningaasarsiornikkut pisuut pissakinnerillu akornanni nikingassuseq nakkutigeqqissaarneqarluni annertoorujus-suanngortinnaveersaerneqassaaq.

Akileraartarnikkut aaqqissuussinerit inuit atugarissaarnikkut aaqissungaanerannut aserutse-riunuunatik iluaqusersuisuussapput.

Pisussutinik akitsuusersuinerit ingerlanneqartassapput ingerlatsinikkut imminut akilersinaas-suseqarnissaq mianeralugu.

Nioqquutissanik akitsuusersuinerit ingerlanneqartassapput innuttaasut inuuniarnikkut pisa-riaqartitaat aningaasaqarnikkullu atugarisaat mianereqqissaarlugit.

Akitsuusersuisarneq pillugu inatsisit nunatsinnut inuinullu naleqquttut pilersinneqassapput.

Pisuussutit uumaatsut uumassusillillu atuisunut akitsuusersorneqarsinnaapput, ingerlatsiviit imminut akilersinnaassuseqarnissaat mianeralugu.

Innutaaasut aningaasaqarnerat

Naalakkersuisut oqaatigisarpaat nunarpunngooq aatsaat taama aningaasaqarnikkut ingerlalluartigaaq, kisianni Nunatsinni innuttaasut aningaasaqarniarnerat isinik allanik isigigaanni taamaanngilaq, nunatsinni ilaqtariippassuit aningaasaqarnikkut ilungersunar-torsiorput,

Aningaasarsiorneq eqqarsaatigalugu killeqarluinnartumik tunisassiorfiit aalisakkanik tigoo-raanerisa aalisartut eqqissillutik aalisarsinnaanerat killilersorneqartoq.

Partii Naleqqamiit arajutsisimanngilarput, tunisiniartarnermi killilersuineq iluarsartuuttaria-qarpoq aalisartup eqqissilluni aalisarsinnaanissaa eqqarsaatigalugu anguniarlugulu.

Pissusissamisoorsinnaanngilarmi aalisartup tamatigut tunisinialeraangami ulloq tunisiffissani qinnuteqaatigeqqaartassagaa. Nalunaaqutaq naalagaajunnaarluni sila apeqquaalluinnartartoq aallaavigisariaqarpoq.

Illoqarfiit nunaqarfiit isorliunerusut aalisartut aalisarluarnermikkut aningaasaqarniarnerat ajunngilluinnaraluartoq taamaattoq nioqquutissat, ineqarniarnikkut, innaallagissap, imeq, anartarfinnut eqqaaveqarnernullu akiliutigineqartut akiisa qaffasippallaarujuussuarnerat pissutaallutik innuttaasut nutsernerat malunnartumik qaffariarsimasoq maluginiarneqarpoq.

Nioqquutissat eqqarsaatigalugit ilumoorsinnaanngilaq Upernivik-mi aasakkut yoghurt-ip akia 27,00 koruunimiik ukiukkut 40,00 koruunimut qaffarujussuartarnera. Taamatuttaaq Ittoqqortoormiini naatsiat akiisa kiilumut 60,00 koruuneqarnerat uissuuminarluinnartut ilagiinnarpaat, taamaattumik Naalakkersuisut oqariartuutaat eqqorsorinangilaq oqarto-qarmat aningaasaqarneq patajaatsumik ingerlasoq. Innuttaasut inuuniarnikkut taama



killeqartigisumik atugassaqartillugit oqaaseq “patajaatsumik aningaasarsiorneq” ingerlanerarlugu oqaatigissallugu ingasapallaqaqaaq.

Partii Naleraq isumaqarpoq nunatta aningaasaqarneranut annerusumik aningaasarsiornermik isaatitsiviusut nunattalu avammut niuerutaannik annertuumik malunnaateqarluinnartumillu isaatitsisuusut tassaasut aalisartut illoqarfinni nunaqarfinnilu isorliunerusuneersut, paarlattuatigut nioqquitissat akiinik apparsaavagineqanngisaannartut illoqarfissuarnut ineriatortinneqartunut sanilliullugit. Taamatut ingerlasoqarsinnaannngilaq. Qanoq iliuuseqartariaqarluinnarpugut.

Mittarfiit

Mittarfiit nammineq 2,1 milliard-inik tassalu 2.100.million koruuninik akiiliiffigisassanganorlugit aaliangiiffigineqarput, taamatullu piginneqataanissap 33 %-ia qallunaanut tunniunneqartoq 700 millioninik nalilerlugu tunineqarluni, taamatullu aningaasanik taasersugassanik qallunaat 900 million koruuninik attartitsillutik. Allannguuteqartoqarsimanngippat.

Nunatta aaqqissugaanikkut ilusilersornerani ataqtigiissumik aaqqiissuteqarnissaq Naleq-qamiit anguniartuassavarput, piviusorsiunngitsumik akisoorujussuarnik ingasattajaartunik anguniagalerlutik Naalakkersuisooqatigiit ingerlatsimmata.

Kingumut 1990-sikkunni politikkerit Siumut siuttoralugu neriorsuutigaat gulditit orpippasuillu qorsooqqiit, 799 meterisut takissusilinnik illoqarfinni assigiinngitsuni mittarfilioriterinerinnakkut.

Iolloqarfiit ataasiakkaat qiviarutsigit Upernavimmigooq, Paamiunigooq Maniitsumilu takornariaqarneq ineriatupiluulissaaq, angallannermigooq akit appariartupiluussapput. Aammalumigooq aalisakkanik nutaarluinnarnik kg-lumut akigissaarnerusunik avammut tunioraарneq aallartissaq. Naliginnaasumik inuaqatigiit inerartornerat arriippallaaqimmat, inuaqatigiit aallartisartinneqassapput.

Kisianni tassa suliluunniit Paamiuni mittarfissaq sanalinngitsorluunniit malunnarsereerpoq 799 meter Dash7-sillu ullutsinnut naleqqukkunnaalereersut. Taamanikkullu aamma angallannermut naalakkersuisuusumiit inassutigineqarpoq Nuummi Ilulissaniliu mittarfiit 1199-meterinut tallineqarnissaat aammalu Qaqortumi 1199 meteri misissorneqassasoq, taamaaqataanillu illoqarfiit allat 19-nit timmersartunut 19 angullunik ilaasoqarsinnaasunut naleqquttunngortinnejassut.

Tamatumuunakkut sapiissuseqartoqarpoq naalakkersuinikkut anguniakkat nalilersortuarnerisigut, inuaqatigiit aningaasaqarnikkut naammassisinnaasaq aallaavigalugu naapertorlugulu pisoqartariqarmat. Inuaqatigiit aningaasaqarnerat pillugu nalilersuinerit aallaavigalugit.



Ullumikkullu nipi allarluinnaavoq. Ullumikkut innuttaasut sutigut tamatigut isertuunneqassapput, Naalakkersuisooqatigiit partiivisa aappaata tusagassiorfitsigut nilliaatigiuarpaaneriorsuutigalugu innuttaasunut qanoluunniit akeqassagaluarpat mittarfissuarnik sanaartussaqqaarlutik. Tassa pilersaarutit alliartupiloorsimapput Nuummi Ilulissanilu 2200 meterinngorlutik aammalu Qaqortumi 1500 meterinngorluni.

Taamaasilluni aningasartorpallaarnanngitsumik akunnattumik takissusilinnut timmisinnaasunik timmisartoqarnissaq naammagineqarunnaarsimavvoq.

Taamaammat Inatsisartuni sapiissuseqartariaqarpugut sanaartugassatut pilersaarutaasunik naleqqussaaqqinnissamut, taamaasiunngikkkutta nunarput akissaarutivissaaq inuiaqatigiit qanoq iliuuseqarsinnaajunnaarlugit.

Kaammattuutit

Taamannak oqareerluta Nunatta aningasaqarnikkut inissismanera pillugu pitsaaneruler-sinniarlugu anguniarlugu Naalakkersuisunut Partii Naleqqamiit makku kaammattuuti-niarpavut.:

2021-imut aningaasanut Inatsisissaq amigartooruteqarfiunngitsoq Naalakkersuisooqatigiit naammassisinnaangimmassuk, Inatsisartut aningasaqarnermut ataatsimiititaliaata naam-massissagaa.

Mittarfissuarnik sanaartorneq nutaamik akikinnerusunngorlugit aaqqissuuteqqinneqassasut Covid19 pissutigalugu aningasaqarnikkut atugaalersut suli ukiorpaalussuarni atuussinnaam-mata. Mittarfissuit qulaani taakkartukkavut atorneqassappata aningaasarpassuit inuit atugaasa pitsangorsarnissaannut atorneqarsinnaalissapput.

Aningaasat Nunatta pisussutaanit pisut annissunneqarnerat pillugu piaernerpaamik qanoq iliuuseqassasugut, taamalluta nunatsinni aningaasarsiorneq qaffassarniarlugu.

Aalisakkat nunatsinnit aningaasatigut pissarsissutaasarnerat annertusarniarlugu siusinnerusukkut oqallisaasartut naapertorlugit suliniutit ingerlaannaq aallartinneqassasut.

Sinerissami piffinni assigiinngitsuni ukioq kaajallallugu aalisagartassaqtuarnissaq qulak-keerneqassasoq. Aammalu nunatta avannaani ukiup naanissaanut qaleralittaasat aaqqiivigineqarnissaat isumagineqassasoq, soorlu Uumannap Ilulissallu eqqaanni qaleralittaassaqtuarnissaq qulakkeerneqassasoq.

Qaleralinnut akitsut 4 %-soq peerneqassasoq.

Ingerlatseqatigiiffinnut akileraarut selskabsskat 2021-imi appartinnejassanngitsoq, kisianni 2023-imiit ingerlatseqatigiiffinnut akileraarutip 15 %-timut appartinnissaa suliarineqarluni aallartinneqassasoq.



Ingerlatseqatigiiffissuit Nunatsinnut iluaqutaaninngorlugit ingerlatsisussanngorlugit piumaffigineqassapput, aamma siulersuisui kalaalinngorsarneqassapput.

Nunatsinni sanaartorneq Nunatsinni najugaqavissunit ingerlanneqartalissasoq avataaneersut ingerlatseqatigiiffissuit aningaasanik annissuiartut naammalermata. Aammalu ssuliffeqarfiiut nunatsinni ingerlatserersut sapinngimmata.

Sanaartugassanut pisortat aningaasaliissutaat sinerissamut siammernerullugit aaqqissuus-seqqittoqassasoq.

Ilanngaasivik pilersinneqarnermigut ingerlanneqarnissamigullu akisoorujussuaq unitsinnejassasoq, tassungalu aningaasarpassuit atorneqartussaagaluit pissakinnerusut utoqqaallu atugarisaasa pitsanggorsarnissaannut atorneqassut.

Sulisoqarnermut akitsuut atorunnaarsinneqasssoq inuiaqatigiinni iluaqutaanera annikippallaqimmat, illuatugaatigullu ingerlanneqarnera inuiaqatigiinnut akisuallaarluni.

Ineqarnikkut aaqqissusseqqinnej nutaamik suliarineqassasoq, inissiani attartortittakkanik ingerlatsinerup ajalusuunnginnerani, akisuallaalinnginnerani.

Meeqqat atuarfiat pillugu Kommuunit tamarmik pisussaaffimminnik nammassinnaanissaat qulakteerniarlugu kommuuninut tapissutit nalilersoqqissaarneqassasut, aamma ilinniartitsisunik atorfinititsisarnerup qitiusumut nuutsinnissaa aaqqiivigineqassasoq.

Pisortat allaffeqarfiini aammalu pisortat suliffeqarfitaanni avataaniit atorfinititsisarneq unitsikkallarneqartariaqarpoq, nunatsinni najugaqavissut aamma ilinniarsimasut suliffeqarnissaat qulakteerniarlugu.

Nunatsinni suliffissaaleqinerup % aaliangersimasoq angugaagangu avataaniik sulisussarsiortarneq unitsillugu nunatsinni suliffissaaleqisunik sulisitsisarnissaq aallartittariqalerparput, ilinniarsimasortavummi suliffissaqaratik nunaminni kiinanngutinneqarnerat taamaannga killeqartariaqarmat.

Suliffeqarfiiit tamarmik praktikkerfittut ilinniartoqartalernissaat piaernerpaamik aqqutissiuunneqassoq.

Perorsaasut aningaasarsiaat malunnaatilimmik qaffaaffigineqassasut, perorsaasut taakkum-mata allanut naleqqiullugit akissaasersorneqarnikkut kinguaattoorfiuersimasut. Tamannalu pissutigalugu meeqqerivinni sulisussaaleqisarneq takornartaajunnaarsimalluni.

Meeqqat tamarmik meeqqanut paaqinnittarfinni inissaqalernissaat qulakteerneqassaaq.

Inuuusuttut tamarmik ilinniarfeqarnissaat suliffeqarnissaalluunniit qulakteerneqartassaaq.



partii naleraq

2021-imiik 66-nik ukioqalernermi utoqqalinersiuteqalersarneq eqquteeqqinnejassasoq.

2023-imiit utoqqalinersiutit danskit folkepensioniattut aaqqissuunnejassasut, annertussusaasalu annertoqataannik aaqqiivilugit.

Qeqertani, Naajaani Nutaarmiunilu KNI-Pilersuisup pisiniarfekalernissaa Naalakkersuisut aaqtissiuutissagaat.

Nunaqarfuit suli illu suliveqalersimangitsut tamarmik illu sulliveqalernissaat aningaasaliiffigineqassasoq.

Qujanaq